

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

Opuscula Spiritvalia - I. Horologium Asceticum. II. Principia Vitae
Christianae. III. Manuductio ad Coelum. IV. Via Compendii ad Deum. V. De
Sacrificio Missae. VI. De Discretione Spirituum ... Operum Eminentiss.
Cardinalis, Tom. I

Bona, Giovanni

Parisiis, 1677

§. 9. Protestationes ad Deum saepius renovandae

urn:nbn:de:hbz:466:1-9969

fecta denique erit virtus, si cum cæterarum omnium societate, & usu conjuncta fuerit.

v i. Indicia jam in anima genitæ & obtentæ virtutis, hæc præcipue sunt. Si vitium virtuti oppositum, aut omnino extinctum, aut magna ex parte compressum sit: si passionibus, & pravis affectionibus sub rationis imperio jam frænum imposueris, si in exercendis virtutis actibus nullam amplius difficultatem sentias: si continuo proficiendi desiderio flagres: si dicta tepidorum contemnens, bona opera in te ipso serues abscondita; Dei & conscientiæ testimonio contentus: si vitam denique non temere, & ex usu instituas, sed ex præscripto rationis, & prudentiæ extra semitas solidæ, & masculæ virtutis nullatenus declinando.

§. IX. *Protestationes ad Deum sapienter renovandæ.*

IN conspectu divinæ Majestatis tuæ, omnipotens Deus, ac totius curiæ cœlestis, ego miserabilis creatura, & indignissimus peccator, considerans, & volvens animo infinitam bonitatem, & misericordiam tuam, qua dignatus es de me ab æterno tam amanter cogitare, & in tempore creare ad imaginem & similitudinem tuam, & quando venit plenitudo temporis, redimere me sanguine unigeniti Filii tui, toties mihi parcere, & quotidie peccantem benignè tolerare usque ad diem hanc, expectans me ad pœnitentiam post tot iniquitates & scelera mea: itemque considerans me tam fœdè violasse fidem in baptisme datam; toto corde & spiritu ante thronum justitiae tuæ prostratus me reum ultrò confiteor læsæ Majestatis divinæ, reum mortis & passionis Jesu Christi Filii tui, ac propterea æternis suppliciis cum rebellibus Angelis puniendum. Sed postea convertens me ad thronum misericordiæ tuæ, quoniam benignus, & misericors es, & præstabilis super malitia, omnia peccata mea omnium verè pœnitentium affectu detestans, & de his dolens, ac veniam humiliter petens per merita passionis Domini mei Jesu Christi, quibus innitor, professionem si-

dei, & sancta proposita renovo, quæ in baptismate promiseram, iterumque renuncio diabolo, mundo, & carni, eorumque pompis, vanitatibus, suggestionibus, & concupiscentiis omnibus diebus vita meæ, avertens me ab omni creatura, & convertens me in toto corde meo ad te Dominum Deum meum, qui nunquam despicias revertentes ad te. Dixi; Confiteor tibi adversum me iniquitatem peccati mei. Dixi, & mox eructasti verbum bonum, dicens: Dimituntur tibi peccata tua, quoniam rogasti me, quoniam dilexisti me. Et quis non diligit te, ô infinita bonitas? Aperis enim mihi cataractas miserationum tuarum, & torrente misericordiae mundasti & inundasti me. Ideo propono & statuo irrevocabiliter, tibi soli servire, teque medullitus diligere, & nunc & in æternum. Quod si contingat vel ex Satanæ incursu, vel ex lapsu humanæ fragilitatis me quicquam cogitare, loqui, vel facere, quod huic deliberationi contrarium sit; ex nunc propono tua favente gratia statim resurgere, sanctique propositi viam ferventius arripere, & tibi jugiter adhærere. Tu Domine, qui universorum es cognitor, tu nosti quia amo te. Ne quæso despicias hoc sacrificium contriti cordis, sed præsta, ut hæc desideria de tua inspiratione concepta nulla possint tentatione mutari.

Prositeor, & protestor coram te, Deus meus, & coram Angelis & Sanctis tuis, me in hac vera, & Catholica fide, & vivere & mori velle, quam sancta Romana, & Apostolica tenet Ecclesia, & confitetur, pro qua milles mori paratus. sum Ignosco omnibus sincero corde, qui quovis modo injuriam aliquam sive molestiam mihi intulerunt: omnesque rogo, ut vicissim ignoscant mihi; & si aliquod remanet in me peccatum, quod in confessione omiserim, vel non ritè confessus sim; si aliqua obligatio, cui non satisficerim, revoca ea in mentem, ô scrutator cordium, ut confitear, & satisfaciam, antequam veniat nox in qua nemo potest operari.

Agnosco & fateor, me hactenus non vixisse in sanctitate & justitia coram te, sicut status sublimis, ad quem me vocasti, & beneficia tua multa nimis exigebant. Agnosco, inquam, & doleo quantum possum, quod te aliquando dereliquerim fontem aquæ vivæ, & tui oblitus fuerim, vita mea, qui omni momento, quasi cæterorum oblitus essem, nunquam oblitus es mei. Et nunc, Domine, ad te revertor, & propono deinceps tibi soli, & mihi vivere, & omnes justificationes tuas custodire: Tu eris mihi in Deum, & ego tibi in servum fidelem usque ad extremum vitæ meæ. Si quis insidietur hostis, si quis aliatret, pelliciat, incantet, teneat, surrepat; tu eris timor meus, spes mea, amor meus. In te confido, dulcissime Salvator, minima enim guttula pretiosi Sanguinis tui in Cruce effusi sufficiens est pro redemptione totius mundi. Sub tuuim præsidium, & Beatissimæ Matris tuæ, omniumque Angelorum & Sanctorum, & vivere cupio & mori volo, absque ulla hæsitatione aut desperatione ob multitudinem & gravitatem peccatorum meorum. Hac munitus protectione tutus ero, neque irridebunt me inimici mei, etenim uniuersi, qui te expectant, non confundentur Paratum cor meum, Deus, paratum cor meum facere semper voluntatem tuam; cumque omni affectu beatorum spirituum te arctissimè amplecti, atque omnium creaturarum vocibus te laudare, & glorificare.

Hoc ardентissimum votum, ac desiderium meum respice, clementissime Deus, dum tempus est miserendi, & cor meum suscipe in holocaustum, cunctosque homines, & quamcumque extraneam imaginem in eo extingue, & me in corde omnium hominum, ut mihi mundus crucifixus sit, & ego mundo.

Oculi mei te solum videant, & in te omnia: aures meæ non audiant vocem alieni, sed tuam diu taxat: lingua mea, & labia meæ te solum loquantur, tuasque laudes jugiter resonent: manus meæ amplectantur te: pedes mei ad te gradiantur: omnes vires meæ in tuis vulneribus, & mor-

te tua

te tuā consumētūr : omnia denique membra , & ossa
mea dicant: Domine , quis similis tibi ? Abnēgo omnia
terrena hæc , quia in te uno omnia habeo : abnēgo me ,
quia tuus ego sum , & vivo ego jam non ego , vivis autem
tu in me, Christe Jesu , & diligo te ex toto corde meo , ex
tota anima mea , ex tota mente mea , ex totis viribus meis.
Da ut ab omnibus contemni & abjici desiderem , nulli
placere appetam , nulli verear displicere , nisi tibi ; nec
quidquam concupiscam , nisi gratissimam voluntatem
tuam.

Hæc sunt desideria mea , hæc vota , in quibus conte-
stor cōram te , Deus meus , me vivere , & mori velle : hæc
quotidie & omni momento renovare intendo , nec un-
quam te favente ea revocabo. Quod si vi morbi , vel ho-
stis fallacia , quicquam dixerō vel cogitavero huic volun-
tati ac deliberationi contrarium , id nullum esse cupio in
tribunali tuo , justissime Deus , qui voluntatem timentium
te semper exaudis ; idque omnino detestor , abominor ,
abjuro & abrenuntio , nihil de me ipso præsumens , sed
in sola spe gratiæ & protectionis tuæ confidens. Hanc
autem voluntatem paratus sum sanguine meo signare , &
pro te millies mori , ut tibi vivam , dulcissime Jesu , cui
omnia vivunt ; & in te moriar , qui pro me mori digna-
tus es. Amen.

§. X. *De crebra spiritus revocatione.*

INTER alias industrias , quæ ad fervorem spiritus augen-
dum & conservandum , adhiberi solent , nulla effica-
cior , quam crebra ejusdem spiritus renovatio , sine qua
sensus devotionis tepescit , & perfectionis desiderium
olim conceptum sensim languet & flaccescit. Hujus rei
hæc praxis est.

1. Die Dominica , quæ est initium hebdomadæ , & pri-
ma die cuiusque mensis , horam unam matutinam feliges ,
quam cæteris curis abdicatis huic renovationi totam im-
pedes. Et primo quidem statues te in conspectu Dei , &

C. Bona Opus. Spir.it.

D